



□



**Future-proofing
our children**

Sikolo sa lasunda: Sitopa sa banana ba bainyani

Toho ya Tuto

Ku tusa

Buka ya Bashemi
Sikolo sa la Sunda sa mwa malapa



Balatiwa Bashemi

Mwa amuhelwa kwa tuto ye li **"Ku Tusa"** ya sikolo sa lasunda ya banana ba bainyani. Pampili ye i mifa kabukuswani kamo muka lutela tuto ye.

Mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku itukiseza kufa hande tuto: • Bibebe • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) Mamela: 2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i> 2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa malapa

Mo kuswanehela ku itukiseza ni kufa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.





Tuto

Toho ya Tuto

Ku tusa

Mutomo/ butokwa bwa tuto

Tuto ya kacenu i lu luta kuli ku tusa ki taba ye nde

Likande ki le:

Likande la kacenu ki la ku tusa ba bamwi kamba ba ba tokwa tuso.

Na sepa mu ka lumela kuli ku tusa ba bamwi ki kezo yende luli

Jesu Krete nako kaufela na tusa batu bene ba taha ku yena ku to kupa tuso. Jesu Krete ki mutala o munde mi lu bata ku swana ni yena ka ku tusa ba tokwa tuso.

Mwa linako zemwi, lu ikutwa ku satabela ku tusa batu ba bana ni litongoko nako kaufela kamba haiba ha ba luezi hande, kono lu swanela ku eza ka mwana ka ezeza Jesu nako ni nako. Lwa ba tusa.

Ne kuna ni musali muhulu yana bizwa Bo maBoegli, ya na na litongoko nako kaufela mi na sa tabeli kamba ku lata banana. Bo maBoegli ne ba tabela ahulu ku pumula nako ya musihali mi ne kuna ni banana bene ba bapalelanga fande. Ne ku utwahala kuba ni lilata mi banana ba utwa linzwi leli huwa kuli: “Ha mukoni ku nyinyifaza kwa lilata la mina?” hani koni ku lobala ni lilata le li cwalo.

Banana ba kuza hainyani, kono ka sa mulaho wa mizuzu ye ye balwa, lilata la kala hape.

Ka sa mulaho wa nako nyana, lihaulo la ndu la kwaluha hape, mi Bo maBoegli ba kupa banana kuli yo muñwi ku bona, aba tuse kuya kwa sintolo, ku yo ba lekele sinkwa. Ne ba utwa butuku mwa liñwele mi ne ba sa koni ku zamaya.

Banana ba ishobitela kuli “Ba swanela ku ya bona beñi. Luna lu sweli ku bapala” Bo maBoegli ba kwala lihaulo landu mi banana ba zwela pili ni ku bapala.

Mwanana wa libizo la Verona a kala ku hupula, a hupula bo kukwa hae, ba batokokanga za butuku bwa liñwele la bona. A bulelela mulikana hae “Taha, ha luye kwa sitntolo sa likwa lu yo lekela Bo maBoegli”

Banana ba basizani ba babeli ba liza mulangu wa fa munyako mi Bo maBoegli ba komokwa ahulu ni ku itumela kuli basizani bao ba bata ku ba tusa.

Ha ba kutile kwa sintolo sa linkwa, bubeli bwa bona ba fiwa ma switi a mpo ya buitumelo.



Tuto ye italusañi ku luna kacenu?

Cwale, lu itutile sika mañi mwa tuto ya kacenu banana ba ba lateha:

- Nako kaufela mu tuse ba bamwi, k taba ye likuela ku i eza.
- Ha u tusa ba bamwi, ha ki kuli u tabisa feela bona, ni wena u ikutwa kuba ni tabo.
- Jesu na tusa bene ba tokwa tuso nako kaufela, ni luna lu bata ku latelela mutala wa hae.
- Ha lu tusa ba bamwi, lu supeza lilato la luna ku Mulimu.

Lipuzo zemwi ze lu kona ku buza:

- **Puzo:** Kiñi ha luswanela ku tusa ba bamwi nako kaufela?

Kalabo: Kakuli ku kaba ni nako ni wena yo ka tokwa tuso.

- **Puzo:** ku ezahala sika mañi ho tusa ba bamwi?

Kalabo: *Ba telwa ki tabo mi u kona ku fumana balikani ba banca. .*

- **Puzo:** Lu kona ku tusa cwañi ba bashebile?

Kalabo: *Ku ba ni sishemo ku bona.*

Ku ba fa likuta

Ku ikabelo lico ni bona!

- **Puzo:** ku ezahala sika mañi ho lu tusa ba bashebile?

Kalabo: *Lu mbeshefaza bupilo bwa bona/ mipilelo ya bona*



Litapelo za luna

Tapelo ya bo Ndate ni Boma ye fiwa pili tuto isi ka tateka:

Ndate ya mwa lihalimu

Na itumele ku wena kwa lizazi lelimwi la lilato ni sishemo sa hao

Na kupa u fuyole bome ni bondate. Fuyola baeteleli, balikani baluna kaufela ni mabasi a luna

Lu lapela kuli lu ku late ni ku kuli lu kalatelela bashemi ba luna

Lu fuyole kuli lu kone kuba ni sishemo ni lilato mane ni ku ba ni likuta ni musa ku be lu kopana ni bona

Lwa kupa u fuyole tuto ya sikolo sa banana sa la Sunday ye, ni kuli nako kaufela lu hupule ku itumela ku wena ka ku lu keta kuba bana ba hao.

Lu bata ku inelela mwa tumelo ni ku latelela ku fitela u taha ku to lungela kwa hae.

Lu kupa ze kaufela mwa libizo la hao

Amen

Tapelo kasamulaho wa tuto

Ndate ya mwa lihalimu,

Na itumele ku wena kwa pabalelo ya hao ni ku lu lumelela kuli lu utwe likande la Bibe le linde.

Lwa itumela kwa ku lu babalela ni ku lu sileleza kwa likozi

Lwa kupa ulu tuse ku latelela bo ndataluna ni boma luna, ni kuba ni sishemo kwa batu kaufela be lu kopana ni bona.

Lwa kupa ulutuse kwa misebezi ya luna ya kwa likolo.

Fuyola Mu Apositola yo muhulu, ba Apositola ni baeteleli ba keleke kaufela.

Fuyola muapostola yo muhulu, muapostola ni baeteleli kaufela ni kuba sileleza mwa misipili ya bona, kuli ba kone ku luluta ze ñata za musebebezi wa hao omutuna Mulumu

Na kupa utuse bana ba hao kaufela, sihulu baba kula, baba sina lico kamba malobalo

Taha kapili ulungele kwahae.

Lu kupa ze kaufela , isi kuli za lu swanela kono mwa libizo la Jesu

Amen